

南平縣誌卷之二十八

叢談

夫言豈一端義各有當昔徐禎卿著異林祝允  
明著語怪菜譜瓶史荔記芋法雖小者而必錄  
非徒釘餛文膾是亦格致所寓也理之所必無  
事之所適有安得以爲不經也而屏諸志叢談

叢談

唐末陳陶攜妻子隱南昌之西山巖尙書宇鎮豫章遣妓號蓮花者往侍陶殊不顧妓慚賦詩曰蓮花爲號玉爲腮珍重尙書遣妾來處士不生巫峽夢虛勞神女下陽臺陶答云近來詩思清于月老大心情薄似雲已向昇天得門戶錦衾深媿卓文君

洪簡錄

南平縣誌

卷之二十八

叢談

二

乃宣父之遺訓也其詩句云江湖水深淺不足掉鯨尾又云飲冰浪子瘦思日鷓鴣寒又云中原不是無麟鳳自是皇家結網踈又云一鼎雌雄金液火十年寒暑鹿麕衣寄與東流任斑鬢向隅終守鐵梭飛諸如此例不可殫記著癖書十卷聞其名而未嘗見之

北夢瑣言

陶唐末自稱布衣開寶中人或見之或云已得仙矣蟬聲將月短草色與秋長比屋歌黃竹何人

撼白楊右張爲取作主客圖

唐詩紀事

西山產靈藥陶與妻日斲而餌之而二子小字檀梨或問其優劣答曰味雖不同皆可于口陶有詩云磻溪老叟無人問閒列檀梨教六韜蓋指

二子也

十國春秋

南唐書陳陶傳陶所遯西山先產藥物數十種陶採而餌之開寶中嘗見一叟角髮被褐與一老媪貨藥于市獲錢則市鮓對飲旁若無人既醉行舞而歌曰籃采禾籃采禾塵世紛紛事更多爭如賣藥沽酒飲歸去深崖拍手歌或疑爲陶

南平縣誌

卷之二十八

叢談

三

夫婦云按此卽晚唐詩人陳陶賦一將功成萬骨枯者觀本傳則知俗繪八仙中之籃采禾豈人名哉以禾爲和以籃爲藍謬矣

因樹屋書影

漢賈捐之議罷珠崖疏云父戰死于前子鬪傷于後女子乘亭障孤兒號於道老女寡婦飲泣巷哭遙設虛祭招魂乎萬里之外後漢南匈奴傳唐李華弔古戰場文皆用其語意總不若陳陶詩云誓掃匈奴不顧身五宮錦喪胡塵可憐無定河邊骨猶是深閨夢裡人一變妙真脫胎換

骨矣  
錄丹鉛

陶少與水曹任暉相善寓之詩云好向明時薦遺  
逸莫教千古吊靈均又自詠云近來世上無徐

庶誰向桑麻識卧龍  
十國春秋

劍浦陳陶唐末隱西山步虛引云小隱山人十洲  
客莓苔爲衣雙耳白青編爲我忽降書暮雨虹  
霓一千尺赤城門閉六丁直曉日已燒東海色  
朝天半夜聞玉雞星斗離離礙龍翼竒峭不減

李賀

南平縣誌

卷之二十八 叢談

四

陳陶咏竹詩青嵐帚亞思君竹綠潤編多憶蔡邕  
陳將君祖竹賦青嵐運帚碧空掃烟蔡邕竹贊

云綠潤碧鮮紺文紫錢  
錄丹鉛

扶桑山有玉雞鳴則金雞鳴而後石雞鳴天下雞  
皆鳴所謂天雞也李詩半壁見海日空中聞天  
雞温庭筠詩漏轉霞高滄海低玻璃枕上聞天  
雞俱用天雞耳陳陶詩朝天半夜聞玉雞星斗  
離離礙龍翼蓋用玉雞矣詩人獨無用石雞者

毋乃貴玉賤石歟  
租史編

俗傳羅隱出語成讖

南平謂好豫言事者爲羅隱秀才

著有異跡

若羅裳山之畫馬石深滬之石壁山書字及建安書筒灘所載予初尙未信其果此羅隱與否及讀楊文敏書筒灘記已稍信之因閱黃滔贈隱詩三徵不起時賢議九轉終成道者言方知隱學道修真人也

閩書

翁承贊唐末爲諫議大夫使福州至劍浦見舊識僧亞棲贈詩云蕭蕭風雨建陽溪溪畔維舟見亞棲一軸新詩劍潭北十年舊識華山西吟魂

南平縣誌

卷之二十八

叢談

五

惜向江邨老空性原知世路迷應笈乘輶青鎖客此時無暇聽猿啼

鑑錄戒

唐禧宗西狩盜遍寰區固始人吳卓令長汀從子玲珮奉其父曠與卓子融來就卓珮弟珣留家聞汀州土人葛姓據汀作亂率固始僮僕故舊千餘人入八閩救父兄之難素與王潮審知善請俱往于是各統兵入閩潮翼審知得福州珣至汀連發矢中葛克之人稱雙箭大王遂守汀以俟唐俄而未梁革命封審知閩王珣以其地

付審知父子隱於延平

吳譜

宋吳怡軒輔自醴陵解秩南歸過洞庭湖舟人告  
曰船輕不任風波宜寔以貨怡軒曰士而爲商  
可乎乃置薪數百束

宋黃冕仲裳嘗有魁天下志元豐四年郡譙門柱  
爲迅雷所震裳口占云風雷昨夜破枯株借問  
天公有意無莫是卧龍踪跡困故教頭角入亨  
衢次年對策第一裳嘗遊桐廬讀書禪定院又  
寓居閩仙洞十餘載後自號紫元翁舊時禪定

南平縣誌

卷之二十八 叢談

六

院有紫元祠堂閩仙洞有紫元庵皆以祀之

尙友錄

閩縣之東山有榴花洞唐永泰中樵者藍超遇白  
鹿逐之度水入石門始極偃窄忽豁然有雞犬  
人家主翁語曰吾避秦人也留卿可乎超云請  
歸訣親舊乃來主翁與榴花一枝而出撫而尋  
之恍若夢中黃裳詩一枝樵客夢兩腋石門風

福州府志

或勸東山先生吳季明熙解易曰難解曰及今可

以致力若後力衰却難曰某嘗觀聖人言易便覺措辭不得只如乾坤兩卦聖人嘗釋其義于後是則解易之法也乾之初九潛龍勿用釋云陽在下也又曰龍德而隱者也又曰下也又曰陽氣潛藏又曰隱而未見行而未成此一爻耳反覆推明至五變其說然後止今之釋者其於他卦能如是推明乎若不能爾則一爻之義只可用之一事易三百八十四爻爻措一事則是其用止於三百八十四而已如易所該其果極

於此乎若三百八十四不足以盡之則一爻之用不止於一事明矣觀聖人於繫詞發明卦義尚多其說果如今之解易者乎嘗謂說易須髣髴聖人之意然後可以下筆此其所以未敢苟也聞邵堯夫誰信畫前元有易自從刪後更無詩畫前有易何以見曰畫前有易其理甚微然卽孔子之已發明者言之未有畫前蓋可見也如云神農氏之耒耜蓋取諸益日中爲市蓋取諸噬嗑黃帝堯舜之舟楫蓋取諸渙服牛乘馬

蓋取諸隨益噬嗑渙隨重卦也當神農黃帝堯舜之時重卦未畫此理已具聖人有以見天下之蹟故通變以宜民而易之道得矣然則畫前元有易不可見乎問牆有茨之詩若以爲勸戒似不必存曰著此者欲知此惡不可爲耳所以不可爲以行無隱而不彰雖幽闇深僻之中人亦可以知其詳也人之爲惡多以人莫之知而密爲之然終不能掩密爲之者其初心也至于不能掩蓋已無如之何耳豈其所欲哉此君子

所以戒慎乎其所不睹恐懼乎其所不聞也

吳譜

宋元祐初諸賢至有洛黨蜀黨之號吳季明復龜山書曰立黨尙氣以相攻恐非吾輩之福其後

黨禍作而諸賢不能一日安於朝

吳譜

宋吳刑曹覲性嗜山水品題人物輒不爽如水鏡然有一女劍中富家子多求納璧公第閱之無可意者竟得李延平先生以爲婿覲以政和七年特奏官雷州刑曹以道遠弗赴嘗穴土爲坟命其子少緄曰我死當埋此達觀如此



德祐元年賈似道責循州安置遣使監押貶所會稽尉鄭虎臣以父嘗爲似道所配請行似道時寓建寧侍妾尙數十人虎臣至悉屏去撤蓋暴行秋日中令舁夫唱杭州歌謔之每名斥似道窘辱備至舟次南劍州黯淡灘虎臣曰水清甚何不死于此似道曰太皇許我不死後至漳洲木縣庵卽厠上拉殺之陳宜中至福州捕虎臣斃于獄

宋鑑

宋吳一鳴始登科時漕臺檄往福州校文前一夜

南平縣誌

卷之二十八

叢談

九

閩倅監試院中聞有鬼神語曰明日樞密至亟

掃院待之晚一鳴入院後果官樞密通志

延平先生答朱子云羅先生山居詩某記不全今

只據追思得者錄去顏樂齋詩云山染嵐光帶

日黃蕭然茅屋枕池塘自知寡與真堪笑賴有

顏瓢一味長池畔亭曰濯纓詩云擬把冠纓掛

墻壁等閒窺影白相酬邀月臺詩云矮作墻垣

小作臺時邀明月寫襟懷夜深獨有長庚伴不

許庸人取次來又有獨寐榻一本作龕白雲亭詩皆

忘記白雲亭坐處望見先生母氏墳故名某向日見先生將出此詩邀月臺詩後兩句不甚愜人意嘗妄意云先生可改先生改云也知鄰鬪非吾事且把行藏付酒杯蓋作此數絕時正靖

康間也

延平問答

李延平先生少年豪勇夜醉馳馬數里而歸後來養成徐緩雖行二三里路常委蛇緩步如從容室中居處有常不作費力事所居狹隘屋宇卑小及子弟漸長逐間接起又接起廳屋亦有小

南平縣誌

卷之二十八

叢談

十

書室然甚齊整瀟洒安物皆有常處其制行不異於人亦嘗爲任希純教授延人學作職事居常無甚異同頽如也朱子云眞得龜山法門蓋李先生爲默坐澄心之學持守得固龜山之學以身體之以心驗之從容自得於燕間靜一之中其源流是如此

朱子文集

羅豫章先生晚就特科授惠州博羅簿卒于官賴其族人羅友爲惠州判官遣人扶護以歸至汀遇寇竊發寄敢于郡之開元寺門人李愿中始

爲歸葬于本郡母夫人墳之側

豫章集

予頃年經行順昌憇篔簹鋪見有題煌煌靈芝一  
年三秀予獨何爲有志不就之語于壁間者三  
復其詞而悲之不知題者何人適與予意會也  
慶元丁巳八月七日再過其處舊題故不復見  
而屈指歲月忽忽餘四十年此志真不就矣道  
間偶讀此書並感前事戲題絕句鼎鼎百年能  
幾時靈芝三秀欲何爲金丹歲晚無消息重歎

篔簹壁上詩

晦菴題跋書  
參同契後

南平縣誌

卷之二十八

叢談

十一

晦庵先生誦佛經詩云聊披釋氏書結之曰了此  
無爲法身心得晏如又讀道書詩終朝觀道書  
繼之曰於道雖未庶已超名跡拘先生之博覽  
旁通蓋如此然有先生之識則可無先生之識  
則惑也且此皆初卷詩多少年時作西林再題  
謂向來妙處今遺恨萬古長空一片心此亦非  
先生晚年之學

黃氏  
日抄

范汝爲之陷建州分賊黨張徹攻延平時統制官  
任士安擁兵不救張鬻守南劍率州兵斬徹函

首送士安州兵譁然謂不當讓功鬻曰不然賊  
衆我寡今雖幸勝必且再至非與大軍合不能  
禦明日賊果大至士安與鬻夾擊敗之劍州以

全游志

建劍山中多蕨其苗可蔬其根可粉荒年競取克  
腹黃裳爲閩縣令嘗作採蕨行云皇天養民山  
有蕨蕨根有粉民爭掘朝掘暮掘山欲崩救死  
豈知筋力竭明朝重擔向溪澗濯彼清冷去泥  
土夫舂婦瀘呼兒炊飢腹雖充不勝苦棠陰諸

南平縣誌

卷之二十八

叢談

十二

公知不知朝夕思餐濃與肥賑飢無策未足怪  
胡忍剥我民膏脂嗟予忝爲斯邑宰致民多飢  
欲誰罪見爾奔波心甚慚立馬無言顙生泚但  
願皇天憐爾苦五日一風十日雨雨順風調五  
穀登蕨根蒲山長不取

劍溪  
筆談

南劍黯淡灘湍險善覆舟行人多畏避之泉南林  
外嘗戲題灘傍驛壁曰千古傳名黯淡灘十船  
過去九船翻惟有泉南林上舍我自岸上走你  
怎奈我何雖一時戲語頗亦有味

齊東  
野語

東坡鳳味古研銘云帝規武夷作茶園山爲孤鳳  
翔且嗅下集芝田奪瓊玖玉乳金沙散虛竇殘  
嶂斷壁澤而黝治爲書研美無有至珍驚世初  
莫售黑眉黃眼孕妍陋蘓子一見名鳳味坐令  
龍尾羞牛後余至富沙按其地里武夷在富沙  
之西隸崇安縣去城二十餘里北苑乃龍焙每  
歲造貢茶之處卽與武夷相去遠甚其言帝規  
武夷作茶園者非也想當時傳聞不審又以武  
夷山爲鳳凰山故有山爲孤鳳翔且嗅之句其

南平縣誌

卷之二十八

叢談

十三

寔北苑茶山乃名鳳凰山也北苑土色膏腴山  
宜植茶石殊少亦頑燥非研材余屢至北苑詢  
之士人初未嘗以此石爲硯方悟東坡爲人所  
悞耳若劍浦黯淡灘有一種石黑眉黃眼自舊  
人以爲研余意鳳味研必此灘之石然亦與武  
夷相去遠矣渙隱叢話舊志有鳳味石注云在  
仁州里相傳昔有孝子母思鳳肉  
成疾遇仙人指之曰此石味同鳳肉擊煮食之疾  
愈按鳳肉人所罕嘗石亦未可煮食語涉不經  
大抵山石之名多取形似味字似延產也  
宋吳武陵嘗題詩三元坊之佛壁曰人生如夢信

難憑踏月長亭影自驚好去南華問消息太湖  
烟雨浪無聲時人無有喻其意者及以豕宰乞  
骸歸日與南華老僧爲白社一日浴罷具朝衣  
危坐召二子曰亟問南華長老遂瞑目而逝其  
子往見長老則已升坐矣反問曰直閣來討尊  
公消息否適方在此相約率陀天去也僧亦坐  
化 武陵未遇時嘗寢吉昌橋橋西有佛會夜  
齋橋東市藥人聞鬼唧唧有神輒叱之曰學士  
在此其人明燭往視見公醉臥乃相詫曰鬼亦

南平縣誌

卷之二十八

叢談

十四

畏讀書人耶又嘗往田坑索助役錢業主不納  
夜臥橋上其主夢黑龍纏橋柱命僕往報曰今  
日索助役錢人也亟命延人嚴待之出題於橋  
曰一水長流出澗溪衆山緜密與雲齊武陵橋  
上觀春色自笑劉郎去路迷後人名其橋曰武

陵

閩省  
通志

潘昉字庭堅落筆不凡有鐔津懷舊詞云怕見倚  
闌干閣下溪聲閣外山空有舊時山共水前歡  
暮雨朝雲去不還想是躡飛鸞月下時時認珮

環月又漸低霜又下更闌折得梅花獨自看

後村

詩話

謝翱字臯羽慕屈平託遠遊乃號晞髮子福之長  
溪人文丞相開府延平翱以布衣諮議參軍丞  
相卒亡匿所至輒感哭挾酒登浙江子陵釣臺  
設丞相主亭隅再拜以竹如意擊石歌曰魂朝  
往兮何極暮歸來兮關水黑化爲朱鳥兮有珠  
焉食歌畢竹石俱碎

晞髮集鈔

德祐二年益王廣王入閩時黃萬石降元以嘗爲

南平縣誌

卷之二十八

叢談

十五

福建漕使欲取全閩爲己功汀建諸州方謀從  
萬石送欸聞二王至復閉門拒之南劍守臣林  
起鰲遣軍逐萬石萬石敗走其將士多來降兵  
勢稍振八月以王積翁爲福建提刑招捕使兼  
知南劍州備禦上三郡九月元阿都刺罕寇建  
寧府執守將趙崇鑑積翁棄城走行都遣人納  
欸於元十一年元軍寇福州積翁爲內應遂與  
知州王剛中以城降元元軍引還留潛悅友爲  
福州宣慰使積翁副之舊志論曰嗟乎如王積

翁者尙得爲人臣哉夫國存與存國亡與亡義也旣不能守又不能死反爲內應而納降焉此其賣國叛君之罪雖百世不能滅也一時寵榮何足道哉書之於冊有人心者共唾詈之過於一時刑憲矣

游志

陳友定字安國福清人少孤病頭瘡傭於汀之清流至正十二年以材勇授黃土寨巡檢討平延建山賊遷清流令陳友諒遣將攻汀州授友定本路總管拒之累功遷行省平章不奉朝命陰

據福興泉漳汀潮延建諸地二十年明兵由海道取福州有定遣將謝英輔鄧益以衆守福州而自率精銳守延平明兵入福州益拒戰被殺叅政尹克仁赴水死行宣政院使朶耳麻下獄死戊申湯和兵逼延平以書諭降友定取血和酒甕中盟諸將飲之明兵夾水而陣友定被圍急召英輔與訣曰君等善爲計吾自死元耳仗劍仰藥英輔與打魯花赤白哈麻亦具服北向自經明兵入城昇定屍出植大雷雨復蘇其子



宗海自將樂來就死並俘至京上問曰元亡若  
爲誰守能降仍爾官不則伏銅馬定曰不降願

伏馬父子並見殺

宏簡錄

朝修明綱自大書曰征南將軍湯和克福建元

□章陳友定死之分注云時閩有三忠謂有定

□□□院柏帖木耳漳州打魯花赤迭里彌

□

友□元末仗義勤王太祖恨其不降附置之重

□□□王世貞郭造卿嘉其忠各爲立傳有定

南平縣誌

卷之二十八

叢談

十七

據閩□□於閩閩郡志皆出林宗伯司空二公

之手林氏□沐國恩自不宜爲友定作傳得數

君紀之實不泯其忠義耳友定雖起行伍而亦

能詩送趙將軍云縱橫薄海內不慘別離顏幾

載飄零意秋風一劍寒及被收之後作詩云失

勢非人事重圍戟似林乾坤今已老不死舊臣

心

精筆

友定以農家子起傭伍目不知書及據八閩數招

致文學之民士如閩縣鄭定廬州王翰之屬留

置幕下粗涉文史習爲五字小詩皆有意理史明  
稿

趙弼作文山傳旣赴義其日大風揚沙天地晝晦  
咫尺不辨城門晝閉自此連日陰晦宮中皆秉  
燭而行羣臣入朝亦爇炬前導世祖問張真人  
而悔之贈公特進金紫光祿大夫太保中書平  
章政事廬陵郡公諡忠武命王積翁書神主洒  
掃柴市設壇祀之丞相孛羅行初奠禮忽狂飈  
旋地而起吹沙滾石不能啟目俄捲其神主於

南平縣誌

卷之二十八

叢談

十八

雲霄中空空隱隱雷鳴如怨之聲天色愈暗乃  
改前宋少保右丞相信國公天果開霽按正史  
文集皆不載此事趙博極羣書非無所本存之  
亦足以見正氣不泯耿耿常在也  
豫章書

明南平縣學東西二齋前各植冬青樹成化元年  
乙酉春二月鵲巢於東齋前樹鵲去鷹居之日  
啣黃紙藉巢飄挂樹杪時吳珙應貢教諭劉昭  
呼珙指謂之曰此黃榜之兆也作詩厲之是秋  
吳珙果領鄉薦明年丙戌羅明第進士越壬辰

吳珙亦第進士論者以珙與明同齋又同業故其幾之先見者如此舊志

雲蓋里吳氏永樂三年乙酉科名恭者中鄉試第二十六名十五年丁酉科恭從子寧亦中鄉試第二十六名成化元年乙酉科恭兄壽之孫珙又中鄉試第二十六名俱詩經是三酉科二十六名之選雖出吳氏世數之偶然亦一郡一邑之異事也鄉人頌曰三酉科名原有數百年衣

鉢豈無傳

舊志

南平縣誌

卷之二十八

叢談

十九

吳仁澤者恭之父也葬雲蓋里俞坑之陽近墓舊無竹永樂十六年墓之左忽一笋迸出是歲恭領鄉薦成進士至成化元年復一笋出於故處其秋元孫珙中鄉試八年又出一笋是春珙亦登進士第十九年又出一笋其年珙由龍泉尹陞戶部主事笋出唯一笋挺然獨秀不復別出也里人皆以爲異因呼瑞竹舊志按吳恭永樂三年乙酉舉於鄉

永樂十六年戊戌進士今云是年領鄉薦恐誤

正德九年屬大比春三月有鵲來巢於南平縣學

明倫堂之東樑或以爲東齋舉士之兆後一月其西樑亦有鵲來巢者是年秋黃焯鄭慶雲應選焯復有瑞鱗之兆大理寺丞次崕林希元爲之記

舊志

明初進取不拘資格有椽史而置身青雲者自況鍾外不可勝數如閩縣吳復任工部侍郎陳永祥任惠州知府南平楊文達惠安洪炬俱任太僕寺丞連江孫瑛任吏部郎中建安盧大政任吏部主事侯官胡鼎任戶部郎中福清游元欽

南平縣誌

卷之二十八

叢談

二十

任濟南通判高世岳任承天通判孫瑛洪武中陳永祥宣德中吳復胡鼎天順中楊文達洪炬正德中盧大政游元欽高世岳嘉靖中

閩小記

明楊天衢始就外傳與族弟姪讀書祖祠守祠老父夜屢夢天衢几案與瓊秉紀宗元几案皆帷以紅綵後四人先後貢成均天衢江山教諭瓊德慶教諭秉紀楚府教授宗元漳州訓導一職之榮早已見異如此

楊譜

明徐尙卿父必登嘉靖四十一年壬戌山寇犯梨

坑父堯猷被執火焙索金登挺身救父代焙火  
熾幾斃忽耳畔有人語以某地有金如言掘之  
果獲金贖命父子俱全林有梧贈以詩高堂莫  
贖罔排空烈火叢中不有躬誰指黃金紆冠難  
分明純孝格元穹

徐譜

楊彩字懷奇本南平玉地人入泮後考優等以南  
平無廩缺撥尤溪學食餼因家焉少有文詞工  
古文隆慶中 元貢入學與修世廟實錄郭子  
章聘修潮州府志有考古羣玉編行世生平詩

南平縣誌

卷之二十八

叢談

二十一

稿散佚世傳丹溪行一首頗見風概詩云丹溪  
嶺頭初落日起來楓樹凝眸立時有老翁嶺下  
來掛杖釋擔言且泣我問老翁爲何泣翁言衰  
朽災危多去年旱荒禾稼損盜賊二次城邊過  
今年秋成禾頗熟流賊蜂聚燒吾屋衾被成灰  
寒夜長倉箱盡燼餐無粥二男戰死骨未收二  
婦驅擄無金贖已聞官兵來縣城坐視不救如  
越秦蠶食尙罵無酒肉探窺賊退方出征賊往  
兵來無了日干戈滿道愁如織郊原不見生草

青那復田疇藝黍稷明年雖欲闢萊蕪健婦何  
處借犁鋤縱有犁鋤缺牛犢脫巾庚癸徒枵腹  
生理斷絕更何言舊鬼煩冤新鬼哭上官新政  
密如荼帖下縣官急催租爪牙夜半來催促深  
山窮谷頻呵呼我今逃竄來至此亦逋該征新  
水夫似此有生死不若相公爲我一籌度不如  
潛買延平藥吞聲一咽填溝壑我聞此語心甚  
酸吁嗟乎觀風使者是何官若圖鄭俠流民奏  
必疏老翁言上看

楊譜

萬歷四十三年乙卯端午前四日篋管人徐聯英  
因病來郡城就醫路徑西芹旅店中偶見薦下  
有銀腕釧一對拾得不言留歇店中次日傍午  
有婦人散髮投河問之答曰主母昨日房中失  
釧疑妾藏匿無以自明不死恐累吾夫英召其  
夫詢明交還時同宿有市筆孫珍販皮駱日千  
布客何誠夫香扇客吳璉咸義之作詩以贈之  
詩鄙俚不足述失釧者蔡姓投河者乃其僕婦  
也有孕七月幸得保全英未有子是年冬歿遺

腹一子人謂報施不爽也

徐譜

明生員陳瑞妻吳氏夫亡守節獨居樓上屏梯不見人面嗣男與婦朝夕進食亦罕相接忽夜值隣災兒婦請暫避不允迫以姑不下樓當同守此氏曰我早當從汝翁地下今日遭焚固吾命也汝不急去自取滅亡實罪人耳俄而四隣皆

燼樓巋獨存人以爲神護

自怡集

萬歷末建溪暴漲建寧被水者人畜殆盡有一姥暨女緣木漂流自二更至黎明方達延津尤溪

南平縣誌

卷之二十八

叢談

二十三

舟子援之悅其女色欲逼之女堅不就舟子溺其母以恐女女赴水以從羅紋山明祖爲貞女賦畧曰雲黯風揚洪水湯湯人其魚鼈曠野汪洋閤室漂沒獨母相將自建而延與波皆行招舟子旣憫拯之詎虞蚩蚩其來求思籛籛戚施爾非我儀愛身無玷守禮不虧乃忍其形乃殘吾母奮身從之寧死不偶嗚呼哀哉望蓼汀兮酸辛聽波聲兮遑迤晚烟漫兮巡巡鴛鴦孤兮在瀕大風起而江怒號兮其淑女之悲嗔淫

雨降而遠山暗兮其淑女之愁顰嶂崔巍而水  
灑渺兮鳥飛盡而魚潛鱗望姿儀而不見兮瘞  
珠玉於水濱精陟降而在上兮憐香膩之沈淪  
茲潭清且澄兮其淑女之神茲劍老而俞靈兮  
其淑女之純惟清風明月之知我兮白石出水  
而磷磷既孝而既義兮並天壤而不泯

羅紋山集

閩縣陳幼孺孝廉偶之延平謁陸太守志孝其伯  
父憲副司年也拒不許見適有楚孝廉李某挾  
憲臺書來謁陸倉皇張宴禮甚恭幼孺上以詩

南平縣誌

卷之二十八

叢談

二十四

云莫作青衫老腐儒黃堂那許拜階除投來名  
刺留中久死後年情到底疎失路鮒生歸去夜  
同袍佳客宴回初始知天府聯名籍不及霜臺  
薦士書陸大慚時楊叔向爲大叅駐節延津聞  
其語厚歎之結爲莫逆右閩小記所載按幼孺  
又嘗往杭州訪謝在杭徐惟和語之曰君去不  
過二十四金我贈汝詩可得百兩但須持贈後  
方可出扇相示耳幼孺至杭謝贈金如徐言餞  
酒行時幼孺出扇謝覽詩曰惟和乃薄我不能



厚贈耶遂益之百金云詩云尊前酒盡卽他鄉  
豈爲分攜始斷腸失路客身輕似葉倚門親髻  
白如霜歸裝不望中人產內顧先營百日糧未  
必綈袍能解贈臨行還屬寄衣裳

冶山詩話

易裕冬字平岡有道行常靜處一室夜則觀星印  
山默有所契萬歷二年久旱火災屢告府縣遠  
延龍虎山正一真人來延禳之閏十二月十二  
日里人設醮鐵像堂裕冬主持法事適天師興  
至臨觀裕冬方匍匐進表遽起厲聲曰無情發

南平縣誌

卷之二十八

叢談

二十五

矣亟收法器壇儀火果起廚中延燒民屋數百  
家天師因命主禱事刻期得雨歎曰是真得元  
奧者與二銅印曰正法在此題其堂元之又元  
弟裕端字行軒亦習齋醮科儀龍山道南祠前  
有古榕樹上多異花人呼爲百花樹下有小廟  
祀周陳王三神稱曰三聖每午過輒爲崇以駭  
行人裕端矚曰爾神也乃作孽耶許謁天師爲  
之請籙遂日彰靈應不復見怪迄今禱祠殆無

虛日

增

宦寺蕭敬生而天闈正統初以長隨侍殿時勞賚  
近臣金錕填集敬執簿算無差英宗察敬有心  
計潛倚任之一日閱射命敬敬三發三中陞太  
監僉書監事奉使荆襄所過以清約聞憲宗朝  
用內官監督倉場會計明允宿蠹搜剔殆盡孝  
宗朝入掌司禮一矢公愼未嘗偶涉於私燕間  
賜問時有規諫孝宗大慚與閣臣劉健等同承  
顧命武宗卽位嬖劉瑾等八人時時內廷娛戲  
敬諫曰梓宮在殯鐘鼓不輟謂天下何復因劉

南平縣誌

卷之二十八

叢談

二十六

健進講諷使諫之楊一清爲相敬時以上命至  
閣一清嘗求附奏闕失敬若不聞故時抗語侵  
敬敬不爲動世宗卽位年八十餘尙侍左右進  
止無所踰越年九十一卒敬遍觀典籍能詩好  
草書歷事六朝謙勤儉若如一日正德中見諸  
近倖田園第宅半京師嘆曰豈吾輩福哉姪孫  
韶歆見選舉孔志  
朱竹初但求之楮穎間頃過劍津西山數頃琅玕  
丹如火齊乃知此君亦戲著緋爲賦二詩云高

情直與晚楓隣，傴舞安知醉有神。舊族傳爲絳  
縣老，孫枝近作赤城人。瀟湘淚盡終餘血，淇澳  
花繁不是春。曾在龍門柯畔立，支離更見爨中  
身。亂擗桃花映客醅，斜批鶴頂間青籬。翻新競  
比紅兒曲，截笛留吹赤帝歌。酒醞宜城光未定，  
冠裁薛縣色全訛。遙看巖下爛斑處，或是秋深

柏葉多

閩小紀按今無  
朱竹唯紫竹耳

延平一郡人，皆接竹取水。分枝別派，高低遠近互  
達於釜。其中往往有蟲，細如髮，長可二尺許。土

南平縣誌

卷之二十八

叢談

二十七

人呼線蟲。予聞父老言，歸視瓮中，果得其一。以  
手引之，不驟斷。試之水，復蠕蠕動。若有知識者，  
似亦射工沙蜮之類。聞食之者，多生癥瘕。然予  
未見時，不知誤食幾許矣。又言經火，卽不害人。  
故閩溪水不可生飲。

閩小記

按線蟲卽水中紅蛆之類，積垢所生，非棍竿與  
溪水所常有。延中，半食棍水。工部所謂竹竿，與  
癥瘕者，細水分從無飲而病，瘕也。

孫少宰退谷嘗言：東林書院甚悉，云有明盛時，各  
省俱有書院。江陵當國，始行嚴禁，後稍建志一。

時著名者徽州江右關中無錫天啟中京師始有首善書院人不知各處書院而統謂之東林又不知東林所自始而但借以害諸君子之名東林乃無錫書院名也宋楊龜山所建後廢爲僧寺顧涇陽憲成自吏部罷歸購其地建先生祠同志者相與構精舍居焉甲辰冬始與高忠憲攀龍數公開講其中立爲會約一以考亭白鹿洞規爲教躬與講席者僅數人時涇陽已辭光祿之召不赴於新進立朝諸公漠無與也適

南平縣誌

卷之二十八

叢談

二十八

忠憲起爲總憲風裁大著疏發御史崔呈秀之贓呈秀遂父事忠賢日嗾忠賢曰東林欲殺我父子忠賢初不知東林爲何地東林之人爲何人旣而楊左諸公文章劾璫璫益信諸人之言不虛於是有意於諸君子者牽連羅織以逢逆黨之惡銀鐙大獄慘動天地遂首毀首善書院而天下書院俱廢予撫吳重葺書院釐正祀典配以羅仲素從彥及胡德輝諸人

二筠廊筆

按此則東林始於龜山而今以羅豫章先生不享則當時講學固始于二公不獨吾延俎豆不配

也桃

柚大而粗柑桔中下品也福延間多有之花亦奇  
大三月柚開香氣甚郁余嘗有詩云最好南平

三月景滿城微雨柚花香

閩部  
疏

順治初郡守趙秉樞以醫家多不精究方書出示  
召考取錄者方准懸壺應考三十餘人題間隔  
二隔三之治如何入選者惟徐呂劉某等四人  
耳至今傳爲雅譚

增

康熙庚申季秋延平張氏題沂水縣塚庄驛壁云

南平縣誌

卷之二十八

叢談

二十九

妾閩嶠名家延平著姓十三織素左家賦嬌女  
之詩二八結褵新婦獲叅軍之配何異莫愁南  
國得嫁阿侯庶幾弄玉秦樓相逢蕭史方調琴  
瑟頓起干戈夫死於兵妾乃被掠含羞辭故里  
魂銷劍浦之津掩面強登輿腸斷西陵之路茲  
當北上永隔南天爰題驛舍數言聊破愁城百  
疊嗟乎昔年薰香染翰粉印青編今日滴血濡  
毫綃封紅淚秋墳鬼唱哀似峽猿三兩聲青塚  
魂歸恨擬胡笳十八拍野燒獵獵北風哀細馬

羶車去不回紫玉青陵悵已矣泉臺當有望鄉  
臺那堪驛舍又黃昏樺燭三條照淚痕想像延  
津沉故劍相期青塚一歸魂昨夜嚴親入夢來  
教兒忍死暫徘徊曹瞞死後交情薄誰把文姬  
贖得回不道臨時死亦難強爲歡笑淚偷彈同  
行女伴新梳裏皂帕蒙頭壓繡鞍

贖觚

康熙末年福州庠友方君柱攜家來寓迎仙坊生  
一女許配典史劉天柱子劉挂議去官貧不能  
娶攜子回陝雍正七年方女以疾卒停櫬北郊

南平縣誌

卷之二十八

叢談

三十

其婿自陝來成婚撫柩祭哭懇歸骨祔葬許之  
及開棺舉火其中一空第未開時封扃完好徧  
詢親鄰皆以女死爲實詫爲異事不得已悵然  
而歸

城北有汪叟年六十餘人以其重聽羣目曰聾生  
一子士洪應童子試有年不得一衿以推算星  
命爲生貧窶特甚歲行盡矣叟道拾紙裹啟視  
之燦然白金八兩也叟納懷中坐其處不去有  
頃一人鶉衣百結且行且哭曰賣女償債乃竟

遺失今合家死矣叟詢其物良是乃還之道旁  
觀者如堵牆嘖嘖詫異後其子以無嗣終世爲

惋惜

增

晚林施開治著自怡集奇峭佶屈蕭正模謂其意  
必已出矯然有志於古之作者古風有秋過九  
峰下老圃對話云九峯山麓御屏下延平先生  
古精舍聞猿洞口風雩橋相傳卽是此間也昔  
日羣賢夜讀書書聲遍滿東南隅今無一椽片  
瓦在可憐瓜芋滿秋區前人不可問寒猿亦不

南平縣誌

卷之二十八

叢談

三十一

吟寂寂青山杳所見惟有秋風淅淅吹我襟我  
曾五十年前一至斯曾經剔蘚讀殘碑碑今亦  
復無尋處安問臺榭與陂池幾家茅屋見零星  
幾隻白頭老園丁嗟彼何有識相逢強作解事  
人開門揖我坐安慰我幾巡爲言世事百如此  
公來不必過愴神但看眼前人廢興不須十載  
盡凌夷裘馬翩翩子同我著簑衣梁肉厭鼎食  
同我忍寒饑今年穀價高百貨貴三日兩日午  
不炊公不爲之惜乃於百千年事太息長嘯唏

又吾族二酉公元配朱孺人爲郭兵所虜不屈  
而死二酉公亦罵賊以殉詩云乾坤慘慘忽不  
旦社稷邱墟神鬼嘆滄桑變易生民爛龍蛇鬪  
鬪魑魅悍鴟鴞翱翔鸞鳳竄嘆吾之生遭此多  
難我之不辰君之殃君不尤命安故常鹿車來  
嫁樂糟糠我朝出耕君酒漿我夜讀書君縫裳  
鹿門之婦黔婁妻白頭相守兩心期那知干戈  
日起初心違踉蹌喪失各分飛罵賊身死視如  
歸君性素溫柔今朝何決烈君言無大聲此際

何悲切生同衾死同穴終相隨毋拋撇何忍與  
君相隔絕君少待吾來也三寸舌何爲者卿爲  
吾死吾死卿叱咤羣醜等齷齪與君攜手入泉  
下烽烟兵燹百不驚嗚呼天地還覆沒此恨何  
時平我家何不幸猶幸二魂貞夫潔婦亦潔婦  
死夫不生愧我才疎言詞拙未克招魂起九京  
一坏土雙埋玉英風至今猶馥馥富貴功名朝  
露耳義夫烈婦標青史千秋百世名不毀感慨  
悲歌真不減古人然其襟懷冲淡雅慕淵明其



和柳柳州覺衰詩云松栢高岡上何憂雪霜侵  
不自爲戕賊不畏斧斤尋人生如不死天地力  
不任彭殤靡一致氣運有升沉非獨一人身百  
物古而今有酒且自酌酒盡卽停斟寒來暄可  
曝暑至就清陰何樂爲高歌何悲爲愁吟半畝  
山城居幽寂等山林日日林間鳥送我以好音  
僧大峙字徹休林佶人敘云名大峙福清劉氏子  
遭變棄儒學佛遊吳越間歷大江至都門與士  
夫往來酬唱徐健庵雅重之嘗寓延之華藏庵

訪者日衆徙寓中際僧舍詩多警句遊董巖云  
多因去國傷青草未得還家放白鷗雪云遍地  
曾無青眼顧諸峰何事白頭生龍津有懷舊館  
云津頭有鬼空懷劍月下何人獨倚樓臺江感  
懷云虎嶠有雲終望楚龍臺無月莫歸秦九日  
石竹山云人逢九日何妨醉我在孤峰不用登  
所著四山堂集板在建陽佛跡嶺

僧耕雪浙東人詩思清新所至多題咏五言如江  
上訪友云黃葉幾家冷斜陽三徑閒歲暮偶作

云雲歸華頂遠江過釣臺清自西江泛舟出湖  
口望匡廬諸峰云山勢臨湖遠人烟出郭稀七  
言如秋興云楚上白雲留坐夏閩中黃葉引尋  
秋林巒著雨開秋照澗水因風撥古徽經霜野  
果紅垂樹晒日沙禽白滿汀故人別後詩情好  
好客逢時茗量寬落日獨行楓樹外思山今坐  
荔枝邊瓢囊西去同秋燕風景南來似故鄉如  
此例甚多嘗寓飛錫峰與僧悟機歡洽題絕句  
云世事浮雲更懶攀朝朝攜茗坐松關春風住  
南平縣誌

卷之二十八

叢談

三十四

久偏相得看徧潭州縣裏山壯志磨磷付短吟  
高懷愛我芥投針留連匝月雙林裏話盡十年  
雲水心

黯淡灘有神廟極靈舟人到此作福此灘下水最  
險陳御史會試時過此詩云黯淡灘兮黯淡灘  
下時容易上時難吾儕本是龍門客見此波濤  
胆亦寒黃叅政詩云不去燒香獻楮錢應知廟  
裏有仙人間不作虧心事黯淡灘頭醉倒眠

閩詩話

張奎若上伏坑人少得修煉術康熙間年八十四忽一夜齒牙盡落未幾復生至九十六歲卒卒之次日里人有自遠客歸者遇諸塗寄布履一雙云將往白塔里人歸乃知其卒持履送伊家家審視卽所着入棺者嗣聞白塔新建社廟是日設主若殆其社神耶

### 附拾遺

黃志云宋君志所載鄉先賢但列其姓字及何縣人而不著其事蹟其在國史及縣志有可考者

### 南平縣誌

### 卷之二十八

叢談

三十五

今已撰次其履歷大槩登人物志矣其餘如先賢類有曰李幹字守臣曰范嶧廸簡子字彥崇曰葉唐稷字思濟曰田澹字子真已上俱劍浦人曰黃讜字子諒將樂人曰林又字德新尤溪人節行類有曰廖果順冒人文藝類有曰蔡栢字武子曰李冲字元翁俱將樂人此九人者各志俱無所載不可考也又按舊志於人物志後附載有云李友直字瑞文李信甫字誠父俱侗子宋志列道學傳又有吳潛吳君偁吳方慶三

人皆見吳一鳴雲雁堂記各有稱許又有葉隆吉選舉內註見人物而無其傳石善才郡人作四賢像記典實可誦皆宋志之所遺者今考李冲見仔林志蔡栢見文苑志林又卽林義林積之子見名臣志惟李幹范罈葉唐稷田澹黃讜廖果李友直李信甫凡八人人物志無載而吳潛吳君偁吳方慶葉隆吉石善才五人志舊闕焉夫志之所列必皆有可稱述而簡牒殘脫莫可詳考則亦付之慨歎而已以此知作志者收

錄固不可濫尤不可略去

游志拾遺

宋時郡志所紀科甲至端平二年而止續郡志所紀則至景定三年方山京榜而止府學有宋時續進士題名碑則起於寶慶二年王會龍榜而止於咸淳七年張鎮孫榜今以前後二志及碑而參考之自寶慶二年至端平二年凡四科名數與二志俱合至嘉熙二年周坦榜以後或志無而碑有或志少而碑多至咸淳元年阮登炳榜以後志無所紀而碑所刻益多甚至一榜三

十餘人而趙氏不啻十之九又碑石磨去舊名而重刻新名所磨未盡處字畫猶隱隱可識認也且其字書大小不倫行款疎密不一比之碑首三二科布置精粗相去遠甚又一碑各科年號俱鑿去無一存者或疑宋之末年郡城趙氏人物固盛而登第者未必如此之多蓋其子孫冒名竄入以誇耀後世者而鑿去年號蓋欲以亂其真也此雖臆度之言然理或有之

游志疑

黃志宋職員寄治之下有殿前司左翼軍云職員

南平縣誌

卷之二十八

叢談

三十七

未詳又註云按本志泉州分兵來鎮識此亦可

見兵分之自

游志

宋志節行類有王延嗣字繼先其先爲光州固始人事蹟無考惟郡學紀原之首有云五季間唐繼先避地來隱以五經教授生徒人以唐五經稱之其曰繼先則舉其字曰避地來隱明非本土人所謂王延嗣似卽此人但不及其姓又及其他事蹟不能無疑也

舊志

游敬仲劍浦人與順昌余大雅同時從朱熹遊見

何喬遠閩書萬姓統譜云大雅與敬仲從朱子  
深得其放心之旨舊志註稱事闕夫以其從遊  
觀之則其人之爲君子可知矣唯以其爲前志  
所遺又闕其行實故不列之傳中然終不可泯

游集惟問按張顯父字敬之亦嘗從朱子考說朱他  
全集惟問按張顯父字敬之亦嘗從朱子考說朱他  
無所見殊抱缺憾順昌志以爲邑童子傳云十  
歲通九經傳記綴詞賦登淳熙年間童子科考  
通志游劍浦縣舉人非順昌亦熙童子科也容